

31. marts 2014

UPA 2014/131
Karl Lyberth

**Kalaallit-nunaanni nunat allamiut pillugit inatsisip allannguutissaata atuutilernis-
saanut aalajangersagaliornissaq pillugu Inatsisartut aalajangernissaat pillugu siun-
nersuut (Nunamut isernissamut malittarisassat ataatsimoorussat allassimangitsut
(isernissamut malittarisassat) pillugit peqqussummik pilersitsinissaq, paasisas-
sarsiorluni suliaqarnerit assigisaallu pillugit maleruagassanik aalajangersaanissa-
mut pisinnaatitaaffilliinissaq.)
(Inuussutissarsiornermut Aatsitassanullu Naalakkersuisoq)**

Siullermeerneqarnera:

Oqaaseqaatissatut siunnersuutip pineqartup siunertarivaa nunani allamiut nunatsinnut
isernissamut akuersissummik qinnuteqartillugit paasisutissanik pissarsiniarnerup
nakkutilliinerullu ullumikkornit pitsaanerulersinnissaa eqaannerulersinnissaalu.
Tamatumattaq kingunerissavaa nunamut isernermi akuersissutinik (visum-inik)
atornerluisarnerup killilersimaarneqarsinnaanerulernera, taamaattumik annerusumik
oqaaseqarfiginagu oqaaseqaatissatut siunnersuut Siumumit akuersissutigaarput.